

MUAB TSO TAWM SAI LI SAI TAU
Hnub: 7 Hli Ntuj tim 3, 2020

Cuag tau: Shawn Benjamin
Hauj Lwm: (414) 286-3780
Cell: (414) 316-8316
Email: sbenja@milwaukee.gov

Ntaub Ntawv Hloov Tshiab Rau Qhov Kev Soj Ntsuam

Ntu 4 Hauv Lub Nroog Milwaukee

MILWAUKEE - Nyob rau lub 5 Hlis Ntuj tim 15, 2020, Milwaukee Health Department tau tshaj tawm ib tsab kev xaaj rau kev noj qab hauv huv thiab kev nyab xeeb “Coj Milwaukee Mus Tom Ntej.” Tsab kev xaaj no siv cov ntaub ntawv los ntawm kev ntsuam xyuas uas ua ntu zus los nrog rau lub hom phiaj kom raws li tsoom fwv thiab lub xeev txoj kev qhia. Lub hom phiaj ntawm qhov kev npaj no yog xyuas txog tej yam lub Nroog Milwaukee yuav tau ua raws li cov kev tshawb fawb tawm tshiab. Peb yuav xyuas ntxiv mus txog qhov tseem ceeb ntawm kev rov qab qhib cov lag luam uas kaw lawm thiab cov twb qhib lawm kom tseem qhib tau mus ntxiv thiab kev ua hauj lwm rau txhua hom lag luam ntawm peb tej kam noj kev haus thiab yuav saib xyuas kom peb cov pej xeeb muaj kev nyab xeeb.

Raws li hais ua ntej lwm, qhov peb lub Nroog yuav hla tau ib ntu zuj zus mus yog los ntawm 5 Yam kev ntsuas thiab lub hom phiaj. Cov kev ntsuas no muab rov qab los saib nyob rau txhua hnub Friday tab sis yuav hla tau mus rau ntu tom ntej yuav yog 14 hnub tom qab peb twb nyob rau ntu tshiab lawm. Qhov nod ua rau kom tsis txhob muaj dab tsi txawv txav nyob rau hauv 14 hnub ua ntej txiav txim siab hla mus rau ntu tom ntej. Iq qhov ntawm 5 yam kev ntsuas rov qab nqis rau lub lim piam no lawm. Cov neeg muaj mob hloov mus rau Xim Liab lawm, yog li ntawd peb yuav tsis tau rov qab ntsuas Ntu 4 kom txog rau lub 7 Hli Ntuj tim 17. Yog hais tias ib yam kev ntsuas twg rov qab nqis mus rau xim liab nyob rau 14 hnub tom ntej no, peb yuav tau tos mus 7 hnub ntxiv. MHD yuav soj ntsuam tus xwm txheej mus ntxiv thiab mam li txiav txim siab seb puas yuav tsim nyog muaj kev tiv thaiv kom txo tau kev sib kis tus kab mob COVID-19.

Kev Mob Nkeeg: *Ntsuas seb muaj tus kab mob COVID-19 ntau npaum li cas nyob hauv peb lub nroog thiab seb muaj teeb meem lis cas.*

Cov neeg muaj mob yuav hloov ceev heev ntawm ib hnub mus rau ib hnub, peb txiav txim siab siv ib qhov kev ntsuas hu ua Linear Regression los ntsuas qhov peb ua tau. Qhov kev ntsuas no siv raws li sawv daws siv

ntawm $p < 0.05$ rau qhov txawv; qhov nod qhia tau rau peb txog qhov kev ntsuas kom tseeb thiab tso siab. Kuj muaj kev cov nyom txog kev los ntsuas cov mob neeg mob. Peb siv cov kev kuaj tau hais tias muaj tus kab mob lawm los ntsuas seb kev soj ntsuam puas ua hauj lwm zoo.

Tam Sim No Zoo Li Cas Lawm – XIM DAJ—Cov neeg muaj mob nce ntau heev lawm (0.53, $P=0.007$) los yog nce txog (12.2%) nyob rau lub 7 Hli Ntu tim 1. Hloov ntawm xim daj lub lim piam tag los (0.10, $P=0.358$) los yog nce txog (7.8%).

Kev kuaj mob: *Ntsuas txog rab peev xwm ntawm cov neeg muaj tus tsos mob COVID-19 mus kuaj tau mob. MHD txhawb kom cov neeg ua hauj lwm – uas yuav tsum tau mus ua hauj lwm (essential worker) mus kuaj mob tsis tseg, cov neeg uas muaj feem kis tau tus kab mob COVID-19 vim tau nyob nrog lwm cov neeg uas tsis yog yus tsev neeg, thiab cov uas muaj tus tsos mob. Cov chaw kuaj mob yeej muaj ntau ntxiv nyob rau ntau thaj chaw hauv zej zog. Cov chaw kuaj mob tseem muaj nyob rau sab pem qaum teb thiab sab qab teb hauv Milwaukee: Barack Obama High School – Custer Stadium (4300 Fairmount Ave.) thiab UMOS (2710 S. Chase Ave). Lub sij hawm peb tseem soj ntsuam ntxiv mus seb cov chaw kuaj mob no ho ua tau hauj lwm zoo li cas thiab tseem npaj lwm txoj hauv kev, peb xav nqua hu ntxiv rau cov pej xeem, tshwj xeeb cov uas muaj feem raug tau tus kab mob COVID-19 uas tau tawm mus tawm tsam kom mus kuaj mob. Thov mus saib peb lub website kom paub ntau ntxiv txog cov tsos mob ntawm tus kab mob COVID-19 thiab cov chaw kuaj mob ntawm: www.milwaukee.gov/coronavirus los yog hu rau 2-1-1.*

Tam Sim No Zoo Li Cas Lawm – XIM DAJ (ib hnuv twg kuaj thaj tsam 1682 tus neeg, nce ntawm 928 tus neeg lub lim piam tag los, tsam sim no cov neeg muaj kab mob yog 12.2%). Tsis muaj dab tsi hloov txij lub lim piam tag los.

Kev Kho Mob: *Qhov feem pua ntawm cov neeg mob pw hauv tsev kho mob uas muaj tus kab mob COVID-19 thiab lub tsev kho mob muaj rab peev xwm los kho cov neeg muaj kab mob COVID-19.*

Qhov nod yog 100% ntawm cov tsev kho mob nyob Ib Cheeb Tsam Milwaukee tsis muaj teeb meem txog kev kho mob thiab tsawg tshaj $< 10\%$ ntawm cov neeg mob hauv tsev kho mob muaj mob COVID+

Tam Sim No Zoo Li Cas Lawm – XIM NTSUAB—[raws li Milwaukee County COVID-19 daim Ntawv Qhia \(Map\)](#) rau lub 6 Hli Ntuj tim 7/1. Nyob tib yam li qub txij lub lim piam tag los. Cov neeg mob pw hauv tsev kho mob muaj thaj tsam 5%.

Kev Nyab Xeeb: *Muaj cov khoom siv tiv thaiv PPE rau cov neeg ua hauj lwm hauv tsev kho mob/tus neeg mob, cov chaw tus neeg mus ib lub sij hawm ntev, thiab cov neeg mus thauj neeg mob. Cov khoom muaj xws*

li ntaub npog qhov ncauj, tsho loj hnav tuaj sab nraum, thiab hnav looj tes. Qhov nod qhia tau hais tias cov tsev kho mob loj nyob ib Cheeb Tsam Milwaukee muaj cov khoom siv PPE kav 8-28 hnuv.

Tam Sim No Zoo Li Cas Lawm – XIM DAJ—[raus li Milwaukee County COVID-19 daim Ntawv Qhia \(Map\)](#) rau lub 6 Hli Ntuj tim 7/1. Nyob tib yam li qub txij lub lim piam tag los.

Taug Qab: *Qhov kev ntsuas no yog xyuas txog MHD rab peev xwm los suav, taug qab, thiab saib xyuas cov neeg muaj tus kab mob COVID-19 thiab kev sib kis. Lub chaw ua hauj lwm MHD yeej tiv tauj tau cov pej xeem nyob rau hauv 3 zaug lawv sim tij tauj. Lub sij hawm nrub nrab sij los tiv tauj thawj zaug yog 1.4 hnuv.*

Tam Sim No Zoo Li Cas Lawm – XIM DAJ nyob rau lub 7 Hli Ntuj tim 1 (nce ntawm 82.9% lub lim piam tag los mus rau 83.3% lub lim piam no). Tsis muaj dab tsi hloov txij lub lim piam tag los.

Thaum tseem nyob rau Ntu 4, tej lag luam thiab hauj lwm feem ntau yeej qhib thiab ua tau hauj lwm ntxiv mus kom ntau dua tab sis yuav tau ua raws txoj cai Nyob Sib Nrug, Yuav Tsum Muaj Kev Tiv Thaiv, thiab Muaj Kev Qhia Neeg Ua Hauj Lwm Kom Muaj Kev Nyab Xeeb. Lub chaw ua hauj lwm MHD tau tsim ib tug txheej txheem uas qhia txog kev nyab xeeb txog tus kab mob COVID-19 rau cov chaw ua zaub mov noj muag los yog chaw haus dej haus cawv siv uas tsis muaj kev txwv tab sis kom muaj kev nyab xeeb, “Ib Qho Kev Ntsuas Kom Muaj Kev Nyab Xeeb Thaum Qhib Qhov Chaw Noj Mov thiab Chaw Haus Dej Haus Cawv Ntau Ntxiv (The Risk Assessment Tool for Expanding Capacity in Restaurants and Bars).” Lub hom phiaj ntawm tus txheej txheem no yog los pab lub chaw ua hauj lwm MHD rau lub sij hawm no los saib xyuas txog cov chaw ua zaub mov noj muag thiab chaw haus dev haus cawv cov kev npaj los Tiv Thaiv rau tus kab mob COVID-19. Tus txheej txheem no yuav yog lub chaw ua zaub mov noj muag los yog lub chaw haus dev haus cawv ua tus ua kom tiav thiab xa ua ke nrog daim ntawv npaj Tiv Thaiv tus kab mob COVID-19 rov qab tuaj. Tam sim no tseem npaj qhov yuav xa cov ntaub ntawv nyob hauv online tuaj, thaum ua tiav lawm, nej yuav xa tau cov ntaub ntawv tuaj rau peb ntawm tus e-mail cehadmin@milwaukee.gov kom tau kev pom zoo.

Nyob rau ntawm tsab email subject line (lub ntsiab lus) yuav sau li no: COVID SAFETY PLAN: sau lub lag luam lub npe thiab chaw nyob.

Yuav xub saib cov ntaub ntawv piav txog lub hom phiaj uas xub taub txais ua ntej. Tej zaum yuav siv li 2-3 hnuv mam li teb rov qab yog tias pom zoo. Thaum pom zoo lawm, lub chaw ua zaub mov noj muag los yog chaw haus dev haus cawv yuav tau txais ib daim ntawv pov thawj nrog rau daim ntawv pom zoo thiab yuav

qhib tau lub chaw ua zaub ua mov noj muag thiab chaw haus dev haus cawv kom muaj kev nyab xeeb thiab tsis muaj kev txwv hais tias tsuas pub pes tsawg leej xwb.

Cov ntaub ntawv qhia txog kev nyab xeeb yuav muaj ua lus Spanish thiab lus Hmoob nyob rau hauv peb lub website thaum ua tiav lawm. Yog hais tias tus tswv xav tau kev pab txhais cov ntaub ntawv thov sau ntawv tuaj rau ntawm: cehadmin@milwaukee.gov.

Nws yog ib qho kev xaaj hais txog tus kab mob COVID-19, lub chaw ua hauj lwm MHD cia siab hais tias sawv daws yuav muab muab kev koom tes thiab yuav siv ua ib qhov kev kawm. Yog ib tug tswv twg tsis ua raws li ib txoj cai hauv qhov Kev Xaaj Coj Milwaukee Mus Yav Tom Ntej, yuav tau muaj kev sab laj, kev soj ntsuam, kev qhia ua ntej qhov kawg nkaus uas yog raug nplua thia tej zaum rau ntes. Lub chaw ua hauj lwm MHD muaj cai nplua hos Milwaukee Police Department muaj cai ntes.

Muaj ntau yam kev pab cuam rau txhua hom lag luam nyob online (thov saib hauv qab). Lub Nroog Milwaukee muaj kev qhia txog tej yam xav paub thiab tseem yuav muaj qhia ntxiv nyob hauv webinar rau cov tswv lag luam thiab cov neeg ua hauj lwm uas yog muab tso rau hauv peb lub website www.milwaukee.gov/MMFS.

Qhov kev xaaj no yog rau tag nrho cov lag luam thiab chaw ua hauj lwm nyob rau hauv lub Nroog Milwaukee. Qhov kev Xaaj 3 muaj ntau yam hloov rau ntau hom lag luam/chaw ua hauj lwm. Nco qab ntsoov, **lo lus “capacity” hais txog lub tsev loj (building) ntim tau neeg ntau npaum li cas. Cov tswv lag luam thiab cov neeg ua hauj lwm muaj txoj cai tsis qhib kom txog lub sij hawm peb hla dhau ib ntus zuj zus mus lawm thiab los xaus lus rau peb kev ua hauj lwm kho tus mob COVID-19:**

- **Chaw Da Dej (Beaches)** – Txhua tus neeg thiab cov tsiaj yuav tau ua raw nraim li tus txheej txheem Nyob Kom Sib Nrug thiab Muaj Kev Tiv Thaiv. Txwv tsis pub ib pab neeg ua si (sport) los yog hom kev ua si uas yuav tau tuav/kov lwm tus neeg nyob rau ntawm chaw da dej.
- **Nuv Ntses (Ntiav neeg cov ib pab mus nuv ntses)** – Siv qhov tsawg tshaj ntawm 3 yam teev hauv qab no: 1) siv 50% ntawm qhov chaw siv tau, 2) ib tug neeg rau 30 square feet los yog 3) 250 tus neeg
- **Chaw Zov Me Nyuam xws li Kev Ua Hauj Lwm Rau Cov Hluas** – siv tau 75% ntawm qhov chaw

- **Chaw teev ntuj – Siv qhov tsawg tshaj ntawm 3 yam teev hauv qab no:** 1) siv 50% ntawm qhov chaw siv tau, 2) ib tug neeg rau 30 square feet los yog 3) 250 tus neeg.
- **Muag Khoom Qub Ntawm Tsev (Garage Sales, Rummage and Yard Sales) - Siv qhov tsawg tshaj ntawm 3 yam teev hauv qab no:** 1) siv 50% ntawm qhov chaw siv tau, 2) ib tug neeg rau 30 square feet los yog 3) 250 tus neeg.
- **Sib Sau Ua Ke Hauv Tsev los yog Ib Qhov Chaw Muaj Neeg Coob – Siv qhov tsawg tshaj ntawm 3 yam teev hauv qab no:** 1) siv 50% ntawm qhov chaw siv tau, 2) ib tug neeg rau 30 square feet los yog 3) 250 tus neeg. CEEB TOOM – lub Nroog Milwaukee nrog rau lub chaw ua hauj lwm MHD thiab lub Department of Public Works thiab Milwaukee County Parks muaj cai tsis lees ntawv tso cai yog tias muaj kab mob COVID-19 sib kis nyob rau hauv lub zej zog. Thaj tsam uas muaj tus kab mob COVID-19 ntau tshaj yuav muab coj los saib xyuas txhua lub lim piam thiab yuav coj los siv rau Ntu 3 thiab mus lawm yav tom ntej. Kev nyab xeeb yog peb qhov kev txhawj xeeb loj tshaj plaws.
- **Chaw Mus Ua Exercise (Gyms and Athletic Centers) – Siv qhov tsawg tshaj ntawm 3 yam teev hauv qab no:** 1) siv 50% ntawm qhov chaw siv tau, 2) ib tug neeg rau 30 square feet los yog 3) 250 tus neeg.
- **Hotels/Motels –** siv 50 % ntawm qhov chaw siv tau; Lub pas da dej, lub dab dej kub thiab cov caw ua exercise tsuas pub siv qhov tsawg tshaj ntawm 3 yam teev hauv qab no: 1) siv 50% ntawm qhov chaw siv tau, 2) ib tug neeg rau 30 square feet los yog 3) 250 tus neeg.
- **Chaw Khaws Ntawv – Yuav tsum Siv qhov tsawg tshaj ntawm 3 yam teev hauv qab no:** 1) siv 50% ntawm qhov chaw siv tau, 2) ib tug neeg rau 30 square feet los yog 3) 250 tus neeg.
- **Chaw Ua Si (Places of amusement) – Yuav tsum Siv qhov tsawg tshaj ntawm 3 yam teev hauv qab no:** 1) siv 50% ntawm qhov chaw siv tau, 2) ib tug neeg rau 30 square feet los yog 3) 250 tus neeg.
- **Chaw Muag Khoom –** Siv 50% ntawm qhov chaw siv tau.
- **Chaw Ua Zaub Mov Noj Muag/Chaw Haus Dej Haus Cawv –** Siv 50% ntawm qhov chaw siv tau *uas tsis muaj kev txwv seb pub pes tsawg leej tab sis yuav tau muaj daim ntawv Npaj Tiv Thaiv tus kab mob COVID-19 ua tau kev pom zoo los ntawm lub chaw ua hauj lwm health department.
- **Chaw Ua Plob Hau/Chaws Caws Plob Hau/Chaw Ua Rau Tes Rau Taw –** 1 tug neeg ua plob hau/ua rau tes rau taw nrog rau ib tug qhua (tus neeg tuaj ua plob hau)
- **Chaw Muag Khoom -** Siv 75% ntawm qhov chaw siv tau
- **Kev Ua Hauj Lwm Nrog Cov Hlua Rau Summer –** Siv 75% ntawm qhov chaw siv tau

Yuav tsum muaj tus txheej txheem rau Kev Nyob Sib Nrug thiab Kev Tiv Thaiv rau txhua tus neeg nyob rau ntawm thaj chaw ntawd (cov neeg ua hauj lwm thiab cov neeg txais kev pab):

- Nyob sib nrug kom deb 6 feet ntawm lwm cov neeg/cov qhua
- Txhawb thiab ntxhuav tes nrog sab npum thiab dej ntev li 20 seconds kom ntau li ntau ntau los yog siv tshuaj ntxuav tes
- Txhawb kom neeg siv tes tsho los yog luj tshib npog qhov ncauj thaum hnoos los yog txham
- Nquag tu tej chaw siv heev xws li rooj tog, chaw zaum, txee thiab qhia kev tu rau cov neeg ua hauj lwm thiab cov qhua;
- Txhawb tsis pub neeg sib tuav tes los yog sib puag thaum sib ntsib
- Pom zoo kom siv ntaub npog qhov cauj qhov ntswg. Tso cai rau cov lag luam kom siv qhov nod los ua ib txoj cai rau kev ua hauj lwm rau neeg. Peb pom zoo kom cov neeg ua hauj lwm/cov qhua siv cov hnab looj qhov ncauj qhov ntswg ib zaug xwb.

Ceeb Toom: pom zoo kom siv ntaub npog qhov ncauj qhov ntswg tab sis tsis yog ib qhov Thoob Plaws Lub Nroog yuav tsum tau ua nyob rau qhov kev Xaaj 3 vim muaj kev txhawj xeeb uas tej zaum kuj muaj teeb meem rau cov neeg xiam hoob qhab los yog yuav muaj tsis txaus siv. Ib qhov yuav zam tau rau ces yog lub chaw ua lag luam muaj ib qhov kev npaj tiv thaiv tus kab mob COVID-19 ua tau kev pom zoo los ntawm lub chaw ua hauj lwm MHD.

Qhov kev xaaj kuj tau hais tias txhua lub chaw ua hauj lwm yuav tsum tau ua raws nraim li lwm cov kev pom zoo txog kev noj qab haus huv uas hais tawm los ntawm cov chaw ua hauj lwm xws li State of Wisconsin Department of Health Services, Milwaukee County Department of Health & Human Services and the U.S. Centers for Disease Control and Prevention; thiab tsim ib txoj caij txwv tsis pub cov neeg ua hauj lwm nkag mus rau hauv qhov chaw ua hauj lwm yog tias lawv muaj tus tsos mob ua pa tsis tau los yog tau nyob nrog ib tug neeg paub tias muaj tus kab mob COVID-19.

Kev pab cuam ntxiv rau cov tswv lag luam thiab cov neeg ua hauj lwm:

Centers for Disease Control and Prevention

Kev Qhia Txog Kab Mob Cronavirus 19 (COVID-19)—*Muaj ntaub ntawv qhia txog tej hom hauj lwm/lag luam*

<https://www.cdc.gov/coronavirus/2019-ncov/community/large-events/mass-gatherings-ready-for-covid-19.html#postponing>

Milwaukee Metropolitan Association of Commerce

Kev qhia txog tus kab mob Coronavirus nyob rau lub sij hawm muaj mob

<https://coronavirus-mmacc.org/>

Wisconsin Department of Health Services—Muaj ntaub ntawv qhia txog kev sib kis kab mob

COVID-19: Lag Luam, Chaw Ua Hauj Lwm, thiab Cov Neeg Ua Hauj Lwm

<https://www.dhs.wisconsin.gov/covid-19/employers.htm>

Wisconsin Department of Trade and Consumer Protection

Kev Pab Cuam rau kev rov qab qhib kev ua hauj lwm/nthuav kev ua hauj lwm thiab kom tsis txhob kis tau tus kab mob COVID-19:

<https://datcp.wi.gov/Documents/ReopeningRestaurantsCovid19.pdf>

Wisconsin Economic Development Corporation

COVID-19 Kev Pab Cuam Rau Cov Lag Luam

<https://wedc.org/programs-and-resources/covid-19-response/>

Wisconsin Restaurant Association

Kev Pab Rau Cov Chaw Ua Zaub Mov Noj Muag Hais Txog Tus Kab Mob COVID-19

<https://www.wirestaurant.org/>

Thov mus saib peb cov websites kom paub ntau ntxiv thiab muaj cov ntaub ntawv hloov tshiab ntawm:

<https://city.milwaukee.gov/MMFS/SafetyPlan>

<https://city.milwaukee.gov/MMFS>

<http://city.milwaukee.gov/coronavirus>

###